



Nuuk 27. februar 2007

Inatsisartut Suleriaasianni § 36, imm. 1 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqquq: Arsakut teqqalasut Nunatsinnit Danmarkiliaanneqangitsoortartut pillugit Naalackersuisut qanoq iliuseqarniarpat?

(Inatsisartuni ilaasorta, Ruth Heilmann, Siumut)

Tunngavilersuut:

Arsakut teqqalasut massakut Kalaallit Nunaanni avatangiisinut tunngasumik ajornartorsiutaanerpaapput. Sisimiut Kommuneat misiligummik arsakunik teqqalasunik Mokana aqqutigalugu Norgemut nassitsisimavoq.

Carl Bro A/S Kalaallit Nunaanni eqqakkanik ikuallaavinni arsakut teqqalasut aamakullu avatangiisinut aamma nunap ikiariissitaarnerisa pisinnaassusiisigut teknikimut tunngatillugit 2003-mi misisuivoq. Nalunaarusiaq eqqakkanik ikuallaanermi amiakkuusartut qanoq passunneqartarnissaannik assigiinngitsunik inassuteqarpoq.

2006-imi arsakut teqqalasut katillugit 122.828 kg Aasianniit, Nuummiit, Maniitsumiit Sisimiuniillu nassinneqarsimapput. Tamakkuninnga pilersitsiviusartunit arfiniliusunit tamanit arsakut teqqalasut ukiumut 259.000 kg miss. pilersinneqartassangatinneqarput.

Kommunip aqqa	Ukiumut pilertassangatinneqartut Arsakut teqqalasut kg-nngorlugit (qissiussukkat 1,7 %-ii) *	Arsakut teqqalasut Mokanami 2006-imi tiguneqartut**
Sisimiut	48.000 kg	71.140 kg.
Nuuk	128.000 kg	45.880 kg
Maniitsoq	20.000 kg	4.830 kg
Aasiaat	17.000 kg	978 kg
Ilulissat	26.000 kg	0 kg
Qaqortoq	20.000 kg	0 kg
Katillugit	259.000 kg	122.828 kg

* Kisitsit 2005-imi inuttussuseq najoqqutaralugu naatsorsugaavoq.

** Kisitsit Mokana I/S 2006-imi Kalaallit Nunaannit tigoorakkat'ni taaneqarpoq